

**UGOVOR**  
**Br: 0602-1914-12/18**  
**Nabavka teretnog motornog vozila**

**UGOVORNE STRANE:**

**UGOVORNI ORGAN:** KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)  
ID broj: 4200119040004, porezni broj PDV: 200119040004

**DOBAVLJAČ:** "GRAND AUTOMOTIVE" d.o.o. Sarajevo, ul. Alipašina bb, kojeg zastupa direktor Mirhad Šabotić (u daljem tekstu: Dobavljač)  
ID broj: 4202184950002, porezni broj PDV: 202184950002.

**UVODNE ODREDBE**

**Član 1.**

Ugovorne strane sklapaju ovaj Ugovor na osnovu provedenog postupka javne nabavke – Otvoreni postupak za dostavljanje ponuda br:0602-1914-4/18 - Nabavka teretnog motornog vozila, prihvaćene ponude Dobavljača od 0602-1914-7/18 od 18.06.2018. godine, koji je sastavni dio ovog Ugovora i Odluke o odabiru najpovoljnijeg Dobavljača, broj: 0602-1914-10/18 od 20.06.2018. godine.

**PREDMET UGOVORA**

**Član 2.**

Predmet ovog Ugovora je nabavka i isporuka teretnog motornog vozila marke Ford, tip Transit, model Dbl Cab, boja bijela, godina proizvodnje 2018. za potrebe Ugovornog organa prema obrascu za cijenu ponude, koja čini sastavni dio ovog Ugovora.

Ugovorni organ i Dobavljač su saglasni, da Dobavljač u ime i za račun Ugovornog organa izvrši nabavku teretnog motornog vozila iz stave (1.), ovog člana prema sadržaju tenderske dokumentacije, ponude sa kojom je Dobavljač učestvovao u provedenom postupku javne nabavke provedenom putem Otvorenog postupka i u skladu sa narednim odredbama ovog ugovora.

**UGOVORENA CIJENA**

**Član 3.**

Ugovorena cijena za nabavku teretnog motornog vozila iz člana 2. ovog Ugovora iznosi:

Cijena teretnog motornog vozila iz člana 2. ovog Ugovora bez PDV-a iznosi 57.390,60KM

PDV na ponuđenu cijenu teretnog motornog vozila iznosi 9.756,40KM

Cijena teretnog motornog vozila iz člana 2. ovog Ugovora sa PDV-om iznosi 67.147,00KM

Prodajna cijena podrazumjeva isporuku teretnog motornog vozila FCO Ugovorni organ, ocarinjeno i oporezovano (PDV 17%)

**PLAĆANJE**

**Član 4.**

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 60 (šesdeset) dana nakon isporuke teretnog motornog vozila pregleda i provjere funkcionalnosti vozila od strane ugovornog organa a na osnovu prijema uredno ispostavljene fakture sa odgovarajućim priložima od strane Dobavljača, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

## **ROK REALIZACIJE**

### **Član 5.**

Isporuka teretnog motornog vozila iz člana 2. ovog Ugovora će se izvršiti najkasnije u roku do 90(devedeset ) dana od dana potpisivanja ovog Ugovora.

## **MJESTO ISPORUKE**

### **Član 6.**

Obaveza Dobavljača je da teretno motorno vozilo iz člana 2 ovog Ugovora isporuči u Sarajevo, ul. Vlakovo bb (KJKP „POKOP“ d.o.o. Sarajevo – groblje „Vlakovo“) prema specifikaciji iz člana 9. Ovog Ugovora.

Cijena isporuke je sadržana u cijenu iz člana 2 ovog Ugovora.

Isporuka teretno motornog vozila će se izvršiti između predstavnika Ugovornog organa i Dobavljača koji će sačiniti i potpisati Zapisnik o njegovoj primopredaji u kome će se konstatovati i navesti sve stavke prema kojima isporučeno teretno motorno vozilo, odgovara karakteristikama iz tehničke specifikacije iz tenderske dokumentacije i karakteristikama datim u specifikaciji Ponude.

U slučaju da vozilo ne ispunjava sve karakteristike iz Tehničke specifikacije neće doći do primopredaje vozila i ponuđač po isteku roka za isporuku dolazi u docnju sa izvršenjem ugovora na kojeg će se primjeniti sva prava i obaveze utvrđene ovim ugovorom.

## **UGOVORNA KAZNA**

### **Član 7.**

U slučaju kašnjenja u isporuci vozila do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu 1 ‰ (promila) od naručenog vozila za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

## **GARANCIJE**

### **Član 8.**

Dobavljač garantuje da će isporučeno vozilo biti tvornički novo, neupotrebljavano, originalno i da će funkcionisati saglasno deklarisanim performansama.

Garancija za isporučeno teretno motorno vozilo: na motor je 4 (četiri) godine/150.000 pređenih kilometara, na boju –lak je 6 (šest) godine i na prohrđavanje karoserije 12 (dvanaest) godina.

U toku garantnog roka iz stava 2 ovog člana, Dobavljač se obavezuje da će u slučaju kvara isporučenog teretnog motornog vozila otkloniti kvar na vozilu u roku od tri dana od poziva Ugovornog organa, Dobavljač je obavezan dostaviti garanciju za vozilo i detaljne podatke o načinu i uvjetima servisiranja motornog vozila u toku garantnog roka.

## **SPECIFIKACIJA**

### **Član 9.**

Sastavni dio ovog Ugovora je specifikacija za teretno motorno vozilo sa serijskom i dodatnom opremom, sa iskazanim količinama, jediničnom cijenom, iznosima PDV-a i ukupnom cijenom, koje je Dobavljač priložio u svojoj ponudi broj:0602-1914-7/18 od 18.06.2018.godine za učešće putem Otvorenog postupka za dostavu ponuda.

## GARANCIJA ZA UREDNO IZVRŠENJE UGOVORA

### Član 10.

Garancija za uredno izvršenje ugovora kao uslov za stupanje na snagu ovog ugovora u iznosu od 10% ukupne vrijednosti ugovora bez PDV-a dostavlja se najkasnije u roku do 10 (deset) kalendarskih dana od dana potpisivanja ugovora (sa klauzulom plativo na prvi pisani poziv korisnika garancije i bez prava prigovora, sa rokom važnosti, rok izvršenja ugovorenih obaveza + 30 dana).

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavnim.

## RASKID UGOVORA

### Član 11

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne isporuči teretno motorno vozilo u roku datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi. Izjava mora sadržavati razlog raskida Ugovora.

## RJEŠAVANJE SPOROVA

### Član 12.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

## ZAVRŠNE ODREDBE

### Član 13.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

### Član 14.

Ovaj Ugovor stupa na snagu nakon obostranog potpisivanja od strane ovlaštenih lica ugovornih strana.

### Član 15.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

#### UGOVORNI ORGAN

KJKP „POKOP“ d.o.o. Sarajevo

  
Izv.dir. Asmir Hodžić


  
Direktor, Goran Cerić




Broj, 0602-1914-12/18  
Sarajevo, 05.07.2018. god.

#### DOBAVLJAČ

„GRAND AUTOMOTIVE“ d.o.o.  
Sarajevo

  
Direktor, Mirhad Šabotić



Broj, 01-008/44-2018  
Sarajevo, 06-07-2018. god.